

剡源鄉志卷十

奉化趙需濤 醉仙甫纂

人物傳二

元

戴表元字帥初一字曾伯剡源榆林人自序眉目炯聳袁

撰墓誌六歲知為詩七歲知習古文自序多奇語十三即

加冠入鄉校墓誌十五始學詞賦十七試郡校連優補

守六經論即厭去遊杭作書言時政激摩公卿大人

無所避用類申入太學校外舍生試優升內舍咸淳

剡源鄉志 卷十 人物傳二

辛未試中第十名對策中乙科賜進士及第自序教授

建甯府元史本傳乙亥由建康歸墓誌後遷臨安教授行戶

部掌故皆不就本傳積階至文林郎墓誌會兵變走避鄰

郡兵定而歸家素貧授徒賣文以活老稚自序有書一

車悉取而陳諸充安閣之四旁坐閱而臥諷之左右

縱橫充然無不滿之處剡源集元大德八年年六十一

矣會執政者薦於朝起家拜信州教授秩滿授婺州

以疾辭墓誌初表元閔宋季文章氣萎爾而辭翫體力

言後宋百五十餘年理學興而文藝絕永嘉之學志

非不勤也舉之而不至其失也委汪西諸賢力肆於

辭斷章近語雜然陳列體益新而變日多故言浩漫

者蕩而傷極援證者廣而類俳諧之詞獲絕於近世

而一切直致棄壞繩墨芬爛不可舉墓誌其弊已甚慨

然以振起斯文為己任本傳詩律雅秀力變宋季餘習

元詩選時四明王應麟天台舒岳祥竝以文學師表一

代表元皆從而受業焉故其學博而肆其文清深雅

潔化陳腐為神奇蓄而始發本傳閒事摹畫而隅角不

露墓誌往往匠心而成追古作者周汝礪小引尤多忠厚孝

剡源鄉志

卷十

人物傳二

二

悌之語其施於人者多自祕重不妄許與墓誌如青巒

出雲姿態橫逸而連翩弗斷如通川縈紆十步九折

而無直瀉怒奔之失宋濂文集序至元大德間東南以文

章大家名重一時者唯表元而已本傳其高標逸韻如

丹霄紫霞中人小引趙孟頫嘗稱之為江南夫子康熙志

黃文獻潛常樂道之而不已宋序與二人聚講於法華

寺之朝暉軒表元與潛有作孟頫書之時稱三絕嘉靖

志十其門人最知名者曰袁梅楅之文其體裁議論

一取法於表元後以修撰博士二職論薦而老疾不

可起本傳自號曰剡源先生有文集三十卷因以名其

集或稱質野翁充安老人自序至大庚戌墓誌年六十七

卒本傳宋景濂為之立傳係之儒林康熙志又嘗刻其集

於太學云裔孫洵序子幼儒娶慈谿黃正孫女黃潛黃君墓志銘

表元崇祀邑鄉賢祠郡月湖書院及剡源先正祠

竺稷字堯佐少博瀉之子嘗築讀書小室曰自齋陳著撰自

齋說守儒保世虔藏舒沈二先生遺墨惟謹沈公書誨

有曰兢兢自持若果能爾何用師友竺君誠能用力

於是舒公識其歲月則曰樂道其教子薦更百年敦

剡源鄉志 卷十 人物傳二 三

厚愷悌之澤今復未艾稷宜力修而善繼焉俾勿墜

袁梅跋竺氏藏舒沈二先生書

陳深字汝資著長子本堂集克承家學王梓材論好古知禮不

肯從俗嘗為婺之日泉山長本堂集又為□□教授陳

夷白跋汝資書其弟泌書後曰余年二十許時識汝

泉翁翁時年已五十餘矣越二十有七年從其嗣子

樞獲視翁兄教授君所書八十歲時侍其先公秘監

府君中秋飲酒所賦五言三韻七篇蓋翁以學問文

章世其家業而老蒼峻潔之氣已見於少年如此宋元

學案入祀剡源先正祠

陳沆字汝海原名瀚著次子本堂集克承家學王梓材論嘗為

台州昌國學錄本堂集其所著僅傳剡源九曲圖記一

篇本堂集附錄袁桷有與汝海花下小飲詩清容集入祀剡

源先正祠

陳洵字汝都著三子本堂集克承家學王梓材論官越州提鎮

所傳有陳氏蕃衍擬命序本堂集附錄入祀剡源先正祠

陳泌鄞志案成化嘉靖間曹各志蔣傳及宋學元案皆誤必惟李志不誤字汝泉著幼子

本堂集表章家學陳基通鑑續編序著撰歷代紀統泌蚤受其

剡源鄉志 卷十 人物傳二 四

書而讀之後老矣嘗尊紀為經而自為之傳其傳則

又綱挈目張之至於有關世道之大者必具論其是

非以貽鑒來世皆所以明其父之意若史遷述太史

公之言以為書而自謂成一家言者陳旅歷代紀統序至元

二年案至元當是至大或至治之誤據本堂文集泌之生當在至元十五年若二年泌尚未生安

得為山長耶為杭州西湖書院山長兩浙金石志泰定元年遂

安教諭遂安縣志又為饒州教授成化志鄞志案奉化

疏乞收人望謂直辭敢言如陳泌當紀敘攷宋史本

紀理宗端平二年參政真德秀卒著舉進士在理宗

寶祐四年據登科錄時年三十二歲去真德秀之死

已二十二年本堂集名幼子泌字汝泉說在丁酉之

歲爲凡成宗大德初而云幼子及冠易名曰泌則入泌當生於宋亡之時何得有真西山乎可謂妄已

祀剡源先正祠子樸極別有傳

陳漢 袁梅譔陳 字汝朝號自樂 陳氏 父觀疾作猶力書

中庸一章以授漢漢以儒自守 墓誌 善畫水墨荷鷺稱

於時 康熙志 嘗以薦授昌國學錄有無名氏送別詩云

三年冷席詩千首百里輕裝月一舟

陳成字養晦榆林人年二十許丰姿器識如四五十者

嘗言昔者孔孟之門固已無所不遊無所不學故莊

周滑稽史遷駁雜楚原馳騁而忘返揚雄汙穢而不

剡源鄉志 卷十 人物傳二 五

慙皆蒙譏後來而自適於當世吾今方將賦招隱歌

遠遊洗塵冠綻敝裘不惟厲吾豪氣以盡荆吳齊魯

之觀而已聞燕代之南汧隴之北有魁梧奇傑之才

自埋於博徒劍客者不可勝數吾將往而求之農桑

什一章句興亡之學不足爲吾事也 剡源集 嘗爲松陽

校官又象山教諭有晦父詩若干卷 戴表元

董筆潭逸其名 康熙志 少牧牛 雍正府志 或云夜夢筆浮潭上

達旦往視果得筆遂以筆潭名凡鷹隼驚濤古木花

卉翎毛著色及水墨皆絕倫其署名皆曰筆潭 康熙志

案斑溪董氏自三石遷彼乾隆初三石董家村  
猶有董姓其人康熙志董筆潭傳附三石陳漢  
疑是三石人

石明三 元史孝友傳 四明山農夫 鄞志案九靈山房集稱四明山元史稱餘姚山實一

山也餘杭志誤認為餘杭山遂傳明三於彼志中謬矣 早喪父獨與母俱一日

以事出告母曰兒出母居此無侍養者幸往依女氏

鄞志案元史作女弟 母曰諾其女氏家甚邇明三謂母可即至

後二日歸過母所寓而母未嘗至也明三心驚倉皇

抵舍見壁間一巨竇覘之則虎子三據其榻為穴明

剡源鄉志

卷十

人物傳二

三知母已為所害即慟且盡殺虎子復磨斧堅執立

竇內頃之母虎循竇入斫其首碎之取肝腦磔諸庭

而復大慟以斧指天曰吾雖殺四虎而吾母之仇未

足以報乃更迹牡虎所行路持斧阻崖石待之牡虎

果咆哮過崖下明三奮而前當虎首連斫數斧即斃

明三亦隨死僵立不仆張兩目如生而手持斧不

可奪鄉鄰走弔相率拜祭而神之 戴良石孝子傳 入祀剡源

先正祠

毛良孫石門人父久患腹痛濱死良孫密割股託他肉

以食之父病尋愈鄰家陸氏母病一月危子淬刃批

左乳以食之亦愈仇遠 稗史二人均入祀剡源先正祠

陳樸字子章泌子本堂集 附錄能詩四明 詩彙常州訓導本堂集 附錄 思

歸詩 注著有詠道篇雲軒集康熙 志

陳子翬字象賢乾隆 志兩湖人案子翬九曲詩有小 盤谷下是吾廬之句負氣

幹精藝文晚年書法李邕乾隆 志為上虞教諭紹興 府志又

為慶元路教諭因國是日蹙遂隱居田里與高橋章

壘甬東鄭弈夫剡源徐本原胥問難麗故經生學子

爭及門受業雖處寂寞每風晨月夕載酒溪山之上

剡源鄉志 卷十 人物傳二 七

更唱迭和以抒懷抱雍正志 乾隆志延慶寺施造千佛因

緣碑一千八百餘字乃子翬所書鄞新 志入祀剡源先

正祠

徐本原剡源人因伯祖禹圭居梅江遂贅鄞章氏壘即

其族也雍正志著有思剡集元志 補

明

陳樞字子經初名權泌次子本堂集 附錄束髮受歷代紀統

即知先志所屬嘗申以為圖傳諸同志敷為筆記二

百卷藏於家陳基通鑑 續編序又為通鑑續編二十四卷盤

古至高辛爲一卷契丹建國之始合五代爲一卷宋

爲二十二卷張紳序其紀年師司馬光補遺其書法師

朱子綱目成化志考覈之精取舍之審固非區區謏聞

者所能盡識陳基序自開闢以來至於宋末數千載之

事一覽無遺述史者未有如此之詳且盡者張紳序時

僑居長洲寓一小樓大書宋太祖云趙匡胤自立而

還未輟筆忽迅雷擊其案椳端坐不懾曰雷雖擊吾

案吾手終不爲之改易也蘇州府志作長洲思歸詩本堂集附

錄入明爲翰林編修四庫提要後以非罪死宋元學案入祀郡

### 剡源鄉志

### 卷十 人物傳二

八

鄉賢祠雍正志剡源先正祠新纂從子瑜洪武十八年進

士官刑部侍郎黃潤玉宗儒堂記

毛于廷石門人能詩積學有年洪武間以薦赴闕廷受

敕諭康熙志太祖問出來馬來耆老對出來太祖微吟

曰出入金陵景若何于廷對曰五雲瑞氣壯山河龍

樓曙色天光曉鳳閣涼風秋氣多太祖曰秋氣多恠

我太殺了于廷復對曰朝覲人行朝覲路太平民唱

太平歌讀書不負男兒志願效當年馬伏波太祖大

喜卽授爲辰州知府乾隆志



案象山志以此詩爲錢唐所作且微有異同未知各志所據何書

單復亨字陽元居晦溪博通典籍尤善詩歌著讀杜愚得十八卷傳於世復亨最愛杜詩故自爲翻注云洪

武初舉懷才抱德科授漢陽縣知縣嵯縣志

樓穆中舉永樂初秀才任休甯訓導康熙志十三年改鄞

學有修學碑記鄞縣志爲剡源八傑之一鮑琦亭集外編

案剡源今無姓樓者疑是別鄉人

陳元則布衣以詩鳴與陳孟雍樓穆中陳協和王汝賢

剡源鄉志 卷十 人物傳二 九

徐瑾戴汝舟全整稱爲剡源八傑鮑琦亭集外編

案查剡源各陳氏譜俱無元則其人當是別鄉

人也

徐瑾字大章性敏捷博學能文善於吟詠康熙志剡源八

傑之一鮑琦亭集外編著有南洲集十五卷康熙志

戴汝舟布衣當洪永之間奉化之以詩人鳴者與陳孟

雍諸人時稱爲剡源八傑鮑琦亭集外編

案剡源徐戴二族譜牒俱無瑾汝舟二人當是

謝山以剡源槩一邑也

曹習古名樸以字行由楷書貢入寫永樂大典未幾拜  
監察御史立朝正色敢言山東妖婦作亂持節討平  
之復命差蘇松等府清理軍政辨明誣枉一千七百  
餘人所行條例足爲世法後巡按福建劾奏不職七  
十餘人是年典選舉所收多名士擢山西按察使爲  
怨家所構謫戍遼陽而卒

康乾  
二志

陳德成著之後讀書明理於素問靈樞難經傷寒論等  
書一日不忘無不究極其旨要治人病隨機應變百  
發百中其祖父皆儒而隱於醫至德成而醫道愈振

剡源鄉志

卷十 人物傳二

十

黃潤玉宗  
儒堂記

康助鏐康嶺人正統間輸粟千碩以充常平賜宣義郎

七品冠帶

康譜

康松西隅人嘉靖間邑被倭寇築城助資千兩

康譜

汪涵字叔度

全祖望  
撰墓碣

號晦溪

海東  
逸史

剡源晦溪人少從學

於黃宗義慷慨喜言兵法時中原鼎沸累欲棄諸生  
從戎當丙戌之夏浙東勢已不支姚江督師孫嘉績  
熊汝霖皆不能軍以殘卒付宗義宗義與王正中合  
軍料簡士伍得三千人欲渡海取鹽官駐兵潭山時

浙西烽火響應涵總統列將而歸安茅翰自浙西來  
與談兵大喜宗義因留之使與共事無何浙東失守  
監國由江門入海潭山之師沿途爲

大兵所梗塞宗義歸四明山結寨自固乃諭軍士不願  
從者任所之尙得親兵五百令涵爲前導重趺閒行  
得達四明山中駐仗錫寺宗義微服出訪監國消息  
爲扈從計戒部下善與山民相結部下以絕糧不能  
盡遵節制山民導邏卒焚其寨夜半火起寨中倉皇  
出鬪皆徒手死者十九涵從烈焰中殺數人已得出

剡源鄉志

卷十

人物傳二

十一

嘆曰所圖不遂命也不死且自取辱還鬪而死其死  
也腰間有軍符故其家得求其屍而合之翰亦歿於  
圍中全祖望撰墓碣  
參黎洲神道碑嘉慶二十年郡人建祠祀明忠  
臣錢肅樂張煌言涵與都督黃中道俱祔祀焉又入  
祀錦溪書院剡源先正祠

陳純來字孝標

鮑琦字集外編  
甬上柱國三忠傳

剡源人

李梅岑  
小傳論

以監

生起官工部員外郎桂王旣稱制尊其父端王墓爲  
興陵令純來司之桂王遣降臣佟養甲祭陵密令純  
來礫之桂林失純來曰吾君尙在當爲先王守陵以

待君之還未敢死削髮爲浮屠居陵下護視惟謹王  
入緬純來猶居陵下其後不知所終三忠傳論者謂有

綿上之節小傳入祀剡源先正祠

吳奎明戊子之役浙東山寨繼起人稱奎明公塘洞主

己丑夏全祖望撰  
王翊墓碑

大兵方攻奎明奎明力竭而遁海東逸史至河泊所追將及

之猝遇王翊兵而戰

大兵失利王翊墓碑

長男文衡校字

剡源鄉志

卷十 人物傳二